

LET'S DO IT

VAREŠ

ZAPISNIK

sa 4. sastanka lokalnog tima

održanog 09.06.2012. u vremenu od 17,00 do 19,00 u Bosanskoj kućici,

a u vremenu od 19,00 do 20,00 u kafe baru „Jazz in the house“

PRISUTNI:

1. Mirela Erlbek, koordinator;
2. Dalija Velić, zamjenica koordinatora;
3. Davor Barnjak;
4. Audin Velić;
5. Emina Šolak;
6. Božidarka Dodik;
7. Katarina Pejčinović;
8. Maja Jačimovska;
9. Katarina Gavran;

Mirela Erlbek je obavijestila prisutne o intervjuu koji je dala za radio Bobovac dana 05.06.2012. u sklopu emisije posvećene Danu zaštite okoliša, te o dogovoru koji je postigla sa Mladenkom Marijanović, urednikom lista Bobovac, koji će u svakom mjesečnom izdanju lista objaviti članak o akciji koji pripreme članovi tima. Nakon toga, Mirela je pročitala tekst koji je pripremila za objavu u slijedećem broju lista Bobovac, a koji je od strane članova tima ocijenjen izvrsnim. Mirela je također obavijestila prisutne da se nije uspjela sastati sa komandrom PS Vareš, Bajrić Mehom, zbog njegove zauzetosti, ali je od njegove sekretarice dobila uputu da je neophodno pismenim putem obavijestiti PS Vareš o planiranim aktivnostima na dan akcije, i to najmanje 48 sati prije 09.09.2012.

Svi članovi tima koji su na prošlom sastanku dobili zadatak da uruče pozivnice za sastanak u općini su to i učinili, a Sead Parić je također potvrdio da je uručio sve pozivnice za koje je bio zadužen.

Davor Barnjak je izradio plakate kojima se građani Vareša pozivaju na sastanak u općini 14.06.2012., i to 10 plakata u boji i 20 crno-bijelih, te je dogovoreno da će

se plakate okačiti na javnim mjestima predviđenim za oglašavanje, kao i u izlozima pojedinih privatnih radnji. Davor je također pripremio 3 bijele majice sa otisnutim logom Let's do it Vareš (mali logo sa prednje lijeve strane i veliki logo na leđima), a Božidarka Dodik je donijela još 5 bijelih majica na koje je potrebno otisnuti logo na isti način. Majice će nositi svi članovi tima na sastanku.

Prihvaćen je okvirni koncept sastanka u općini koji je pripremila Božidarka Dodik, a koji će biti podložen korekcijama u zavisnosti od toga da li će svi oni za koje je planirano da se obrate građanima Vareša, biti u mogućnosti da dođu na sastanak. Tu se prije svega misli na načelnika općine koji je bolestan, predstavnike Let's do it BiH koji još nisu potvrdili dolazak i predsjednika Fondacije za obnovu i razvoj regije Vareša koji planira dolazak ali još uvijek ne može to potvrditi sa sigurnošću. Božidarka je pripremila i knjige volontera u koje će nakon sastanka moći da se upišu svi oni koji žele učestvovati u akciji, a koje će poslije sastanka biti postavljene u „Jazz in the House“ i „City bar“, prema prethodnom dogovoru sa vlasnicima objekata (Đukić Saša/Likić Ahmed). Ostaje otvoreno pitanje gdje će se postaviti knjiga za Vareš Majdan, kao i pitanje formiranja radne grupe za provedbu akcije u tom dijelu grada. U vezi s tim, Mirela će kontaktirati g. Muftić Avdu.

Dalija Velić je pripremila izlaganje uz power point prezentaciju, te je izvršena proba. Nakon toga, prisutni se saglasili da bi bilo učinkovitije da se za prezentaciju koristi tekst ili dijelovi teksta koji je Mirela pripremila za list Bobovac, a ne tekst koji je prvobitno bio predviđen.

Potom je izvršena proba pp prezentacije „Oda prirodi“ koja je planirana za kraj sastanka, nakon čega je postignut dogovor da se umjesto postojećih fotografija, koriste fotografije prirodnih jepota Vareša, i kao kontrast, fotografije do sada uslikanih deponija, uz postojeći tekst, s tim da se trajanje prezentacije malo skрати (nije neophodan toliki broj fotografija, bitnija je poruka koja se želi prenijeti).

Katarina Pejčinović je obavijestila prisutne da još uvijek nije uspjela da stupi u kontakt sa Naidom Numanović, vezano za uključivanje djece iz OŠ Vareš Majdan u akciju i formiranje radne grupe na nivou te škole, pa je dogovoreno da se pokušaju kontaktirati Dženana Čabrajić i Maja Brković kojima bi Katarina prenijela osnovne ciljeve akcije u pogledu učešća djece u OŠ, te im ustupila prezentacije koje su već održane u sklopu odgovarajućih nastavnih satova u OŠ Vareš. Obzirom da je kraj školske godine pri kraju, prezentacije će se vjerovatno morati održati u prvoj sedmici naredne školske godine, što također vrijedi i za srednju školu, kao i za djecu iz doma časnih sestara. U srednjoj školi, uz odobrenje direktora Petrović Damira, i uz angažman profesorice Lare Brđanović će biti

određen po jedan učenik iz svakog razreda za dolazak na sastanak u Općini 14.06., kao i predstavnik Vijeća roditelja.

Emina Šolak je i dalje u kontaktu sa kolegama iz Doma zdravlja, koji su u sve većem broju zainteresirani za učešće u akciji, bilo kao volonteri ili u svojstvu medicinskih radnika koji će na dan akcije biti prisutni na lokacijama koje će se čistiti, radi pružanja prve pomoći ukoliko se za to ukaže potreba.

Maja Jaćimovska je obavijestila prisutne da je od predsjednika Fondacije za obnovu i razvoj regije Vareš dobila pozitivan odgovor u vezi sa korištenjem žiro računa Fondacije za uplatu donacija za akciju, te korištenjem zvaničnog memoranduma, pečata i potpisa ovlaštene osobe vezano za upućivanje službenih dopisa. U vezi s uplatama, postavljeno je pitanje da li je potrebno da se svaki iznos uplaćuje na žiro račun, obzirom da se time postupak komplicira (popunjavanje uplatnice, plaćanje naknade od 1 KM u banci, a vjerovatno je da će se raditi od malim iznosima kad su u pitanju donacije od građana), pa je dogovoreno da se preko žiro računa Fondacije vrše uplate od strane javnih i privatnih preduzeća i građana koji žive u inostranstvu, a ostale donacije „na ruke“ članovima tima (osim Božidarki Dodik i Velić Audinu zbog nespojivosti s poslom), s tim da će evidenciju svih uplata i isplata, sakupljanje računa i dr., voditi Katarina Gavran. Također je potrebno voditi i evidenciju doniranog MTS-a, ukoliko bude takvih donacija (zaštitna oprema, alat, ishrana, osvježenje i dr.) Neophodna je maksimalna transparentnost u pogledu svih donacija, tj. sve donacije i utrošak sredstava će se objaviti u FB grupi. U slučaju da se nakon okončanja akcije pojavi višak novčanih sredstava, isti će biti usmjeren u druge projekte vezane za ekologiju ili uljepšavanje grada (npr. obnova i uređenje česme na Topliku, projekat Poljaković Marka i Alihodžić Jasne i sl.)

Nakon toga, dogovoreno je da se sastanak nastavi u kafe baru „Jazz in the House“, obzirom da su zbog velike vrućine i skućenog prostora u Bosanskoj kućici uvjeti rada bili otežani.

Diskusija je nastavljena u vezi sa lociranjem ilegalnih deponija, što bi trebao biti prioritetan zadatak u ljetnom periodu, kako bi se do polovine avgusta napravio okvirni plan za dan akcije (koje deponije i sa kojim resursima-ljudskim i materijalnim će biti moguće očistiti) Konačni plan će ovisiti o broju prijavljenih volontera i doniranih sredstava.

Također je bilo govora o tome da se u vrijeme kada dolazi većina građana iz dijaspore (kraj jula/početak avgusta) napravi jedna „pilot“ akcija (čišćenje 1 deponije), obzirom da su građani Vareša koji žive u inostranstvu a koji neće biti u

Varešu na dan akcije, pokazali veliki interes da za vrijeme boravka u Varešu daju svoj doprinos ovoj akciji.

Dogovoreno je i da se na svaku očišćenu lokaciju postavi natpis (na drvenim tablama) da je čišćenje izvršeno u sklopu akcije „Let's do it Vareš“, uz molbu građanima da se smeće ubuduće odlaže na za to predviđena mjesta.

Kao posebno značajan problem na području općine Vareš, istaknuto je postojanje toksičnog područja (olovo, cink, barit) u krugu bivšeg preduzeća „Energoinvest“ . Za sada ova lokacija nije sanirana na bilo koji način tj. nije ničim spriječena emisija toksičnih tvari, domaće životinje slobodno ulaze u krug preduzeća i piju toksičnu vodu, djeca se igraju u blizini i sl. Iako u sklopu akcije „Let's do it“ nije planirano čišćenje toksičnog otpada, obzirom da je za takvo što neophodno poduzeti poseban postupak i posebne mjere sigurnosti, svi prisutni su mišljenja da je na ovaj problem potrebno skrenuti pažnju javnosti kako bi se u njegovo rješavanje uključili svi relevantni segmenti lokalne zajednice.

Dogovoreno je također da svi članovi tima dođu u općinsku salu dana 14.06.2012., bar 2 sata prije početka sastanka, kako bi se izvršile sve potrebne tehničke i druge pripreme.

Nakon diskusije, doneseni su slijedeći zaključci:

1. Dalija Velić će pripremiti tekstualni dio prezentacije rukovodeći se tekstom koji je napisala Mirela za list „Bobovac“ i izvršiti potrebne izmjene u prvobitnom tekstu.
2. Davor Barnjak će skratiti i izvršiti izmjene prezentacije „Oda prirodi“, tako što će, na odgovarajućim mjestima, umjesto postojećih fotografija ubaciti fotografije prirodnih ljepota Vareša, odnosno, evidentiranih deponija, te će otisnuti logo Let's do it Vareš na preostalim 5 majica.
3. Maja Jaćimovska će kontaktirati predsjednika Fondacije za obnovu i razvoj regije Vareš, kako bi joj dostavio broj žiro računa Fondacije, i provjeriti da li su na ovaj račun moguće i uplate iz inostranstva i na koji način (SWIFT broj). Broj računa će se odštampati na letke i podijeliti prisutnima nakon završetka sastanka u Općini.
4. Katarina Pejčinović će i dalje pokušavati da uspostavi kontakt sa nastavnicima/učiteljima iz OŠ Vareš Majdan, a sačinit će i dopis za Ministarstvo obrazovanja ZDK radi odobrenja učešća učenika u akciji.

5. Katarina Gavran će pripremiti posebnu svesku za vođenje evidencija o novčanim i drugim donacijama u koju treba da se upišu dosadašnje donacije.
6. Mirela Erlbek će od Službe za komunalne poslove općine Vareš pribaviti podatke o divljim deponijama, ukoliko takva evidencija postoji.
7. Svi članovi tima će lično, ili preko prijatelja i rodbine, nastaviti prikupljati podatke i fotografije o ilegalnim deponijama.

Sponzor sastanka je bio „Jazz in the House“/ Đukić Saša (11,50 KM).

Slijedeći sastanak je sastanak u sali Općine Vareš, 14.06. 2012., u 16,00 sati.

Sastanak završen u 20,00 sati.

Vareš, 09.06.2012.

Lokalni tim

Let's do it Vareš